

Headlines

1. मुखमंत्रि उमर अब्दुल्ला होरें अवंतीपोरा च इस्लामिक युनिवर्सिटी ऑफ साईंस एंड टेक्नोलॉजी दे 20में स्थापना दिवस समारोह च हिस्सा लैता। उ'नें इस मौके पर सामुदायिक रेडियो स्टेशन ते गर्ल्स होस्टल दा उद्घाटन बी कीता।
2. सुरक्षाबलें फरीदाबाद च इक कश्मीरी डाक्टर गी गिरफ्तार करिये 360 किलोग्राम शा मते विस्फोटक ते थेआर असला बरामद कीता ऐ।
3. जम्मू-कश्मीर पुलसै बंदिश आहले आतंकवादी गुटें - जैशे मोहम्मद ते अन्सार गज़वात-उल-हिंद कन्नै सरबन्धत इक अंतर-राज्यी ते अंतर्राष्ट्री आतंकवादी गिरोह गी तबाह करी दित्ता ऐ।
4. जम्मू-कश्मीर पुलसै किश्तवाड़ ते कठुआ जिलें च सिम कार्ड बेचने आहली हट्टिएं-दकानें दे व्यापक निरीक्षण आहला इक अभियान चलाया ऐ तांजे सिम कार्डें दी गलत तरीके कन्नै होने आहली बंड-बिक्री गी रोकेआ जाई सकै।
5. नगरोटा असैम्बली हलके च कल होने आहले उपचुनां लेई सब्बै तैयारिएं मुकम्मल। 98 ज्हार शा मते मतदाता चुनां मैदान च खड़ोते दे 10 मेदवारें दे सियासी भविक्ख दा कल फैसला करडन।

<><><><><><>

CM-Awantipora

मुखमंत्रि उमर अब्दुल्ला होरें अवंतीपोरा च इस्लामिक युनिवर्सिटी ऑफ साईंस एंड टेक्नोलॉजी दे 20में स्थापना दिवस समारोह दा अज्ज उद्घाटन कीता। इस मौके उपपर उ'नें मुकामी संचार ते सामुदायिक शमूलियत गी बढ़ावा देने दे मकसद कन्नै अवंतीपोरा च इस्लामिक युनिवर्सिटी ऑफ साईंस एंड टेक्नोलॉजी च इक नमें कम्युनिटी रेडियो स्टेशन गी बी शुरु करोआया। अपने दौरे दौरान उमर होरें युनिवर्सिटी च नमें बनाए गेदे वेशव गर्ल्स होस्टल दा बी उद्घाटन कीता जेहदे च महिला विद्यार्थीएं लेई आधुनिक स्हूलतां ते सुरक्षित म्हाल उपलब्ध होग। मुखमंत्रि होरें इलाके च शिक्षा गी बधाने, महिलाएं गी सशक्त बनाने ते समुदायिक विकास गी बढ़ावा देने लेई सरकार दे समर्पण गी उजागर कीता। मंत्री जावेद अहमद डार ते मुखमंत्रि हुं'दे सलाहकार नासिर असलम वाणी होर बी इस मौके पर उत्थे मजूद हे। अधिकारिएं ते युनिवर्सिटी दे नुमाइंदें बी इस कार्यक्रम च हिस्सा लैता ते विद्यार्थीयें गी मदाद ते इलाकाई विकास ते सम्पर्क गी बढ़ावा देने च इ'नें पैहलकदमियें दे महत्व गी उजागर कीता।

<><><><><><>

Dy CM Bridge

उपमुखमंत्रि सुरिंदर चौधरी होरें बन्ने आहले जिले रजौरी दे नौशैह्वा इलाके च कटेरा जगीर थाह 95 मीटर लम्मे इक पुलै दे निर्माण लेई नीह पत्थर रक्खेआ। मोटर-गड्डिएं दे लंग्घने-जोग इस पुलै दे निर्माण कन्नै मुकामी लोकें दी इक चिरकी मंग पूरी होई जाह्ग। इस मौके पर बोलदे होई उपमुखमंत्रि होरें ग्रामीण ढांचागत विकास ते समग्र विकास दी अपनी सरकार दी वचनबद्धता गी फही पक्का कीता। उ'नें आखेआ

<><><><><><>

Explosives-Recovered

इक बड़ी कामयाबी दे तैहत्त जम्मू-कश्मीर ते हरियाणा पुलस दी टीमै इक सांझे अभियान तैहत्त फरीदाबाद थमां बड़ी मती मात्तरा च थेह्ार-असला ते गोला-बारूद बरामद कीता ऐ। इस बारै मीडिया गी जानकारी दिंदे होई फरीदाबाद दे पुलस कमीशनर सतेन्द्र कुमार गुप्ता होरें दस्सेआ जे एहू कारवाई जम्मू-कश्मीर ते हरियाणा पुलस दी सांझी कारवाई ऐ- जेह्दे तैहत्त डाक्टर मुजम्मिल नांS दे इक आरोपी दी गिरफ्तारी बी कीती गई ऐ। इस बारै होर ब्यौरे सांझे करदे होई उ'नें आखेआ

<><><><><><>

SIM-Vendors

जम्मू-कश्मीर पुलसै बंदिश आहले आतंकवादी गुटें - जैशे मोहम्मद ते अन्सार गज़वात-उल-हिंद कन्नै सरबंध्यत इक अंतर-राज्यी ते अंतर्राष्ट्री आतंकवादी गिरोह गी तबाहू करी दिता ऐ। इस अभियान तैहत्त बक्ख-बक्ख राज्यें च आपसी तालमेल कन्नै मारे गेदे छापें दरान 7 मुख् आरोपिणं गी गिरफ्तार कीता गेआ ऐ ते कन्नै थेह्ार-असले ते गोला-बारूद दा जखीरा बरामद कीता गेआ। एह्दे अलावा तकरीबन 3 टन विस्फोटक समग्री बी जव्त कीती गई ऐ। सरबंध्यत अधिकारिणं मूजब, एहू बरामदगी, जंदी 19 अक्तूबर गी श्रीनगर दे बनपोरा नौगाम इलाके च केई थाहें पर जैशे-मोहम्मद दे पोस्टर सामने औने दे मद्देनज़र कीती गई जिंदे च पुलस ते सुरक्षाबलें गी धमकियां दित्तिआं गेदिआं हिआ। इस सरबंध्ये च नौगाम पुलस थाने च बक्ख-बक्ख दफाएं दे तैहत्त मामला दर्ज कीता गेआ ते उच्च-स्तरी जांच शुरु करी दिती गई ही।

<><><><><><>

SIM-Vendors

जम्मू-कश्मीर पुलसै किशतवाड़ ते कठुआ जिलें च सिम कार्ड बेचने आहली हट्टिणं-दकानें दे व्यापक निरीक्षण आहला इक अभियान चलाया ऐ तांजे सिम कार्डें दी गलत तरीके कन्नै होने आहली बंड-बिक्री गी रोकेआ जाई सकै। आकाशवाणी दे जम्मू संवाददाता दी रिपोर्ट मूजब, सबनें गैज़ेटेड अधिकारिणं ते सरबंध्यत थानें दे एस.एच.ओ-एँ अपने-अपने इलाकें च सिम कार्ड बेचने आहलें दे व्यापक निरीक्षण आहली इस कार्रवाई गी अंजाम दिता ऐ। इस मौके पर सिम कार्ड बेचने आहलें गी निर्देश दिते गे जे ओहू जारी कीते जाने आहले सबनें सिम कार्डें दे पूरे-पूरे ब्यौरे अपने कश रक्खन ते बिजन पूरी जांच-तसदीक दे कुसै गी बी सिम कार्ड नेई जारी करना।

<><><><><><>

By Poll Arrangements

नगरोटा विधानसभा हल्के लेई कल होने आहले उप-चुनांS आसतै सारियां तैयारियां मुकम्मल होई गेदियां न। इस हल्के लेई कल संज्ञा चुनांS प्रचार सम्पन्न होई गेआ हा। नगरोटा विधानसभा हल्के लेई 10 मेदवार चुनांS मैदान च न जिंदे सियासी भागें दा फैसला तकरीबन 98 ज्हार मतदाता करडन। आकाशवाणी जम्मू संवाददाता दी रिपोर्ट मुजब इस सीट लेई बी.जे.पी मेदवार देवयानी राणा, नेशनल कांफ्रेंस दी मेदवार शमीम बेगम ते साबका मंत्री हर्षदेव सिंह हुं'दे बश्कार मुख् मुकाबला मन्नेआ जा'रदा ऐ। ओहू इस सीट थमां पैहली बारी चुनांS लड़ा'रदे न।

<><><><><><>

By Polls Paid Holiday

विधानसभा हल्के 27 बडगाम ते 77 नगरोटा लेई कल होने आहले उप-चुनांS दे मद्देनज़र 11 नवंबर गी सरकारै पेड हॉलीडे दी घोषणा कीती ऐ। आकाशवाणी जम्मू संवाददाता दी रिपोर्ट मुजब एहू फैसले सरबंध्यी कन्नू दी दफा 135-बी तैहत्त लैता गेआ ते आम प्रशासनिक मैहकमे नै इस बारै आर्डर बी जारी कीते दा ऐ। आदेश मुजब मतदान आहले दिन गी कर्मचारिणं आस्तै पेड हॉलीडे आहला लेखा मन्नेआ जाग तां जे ओहू वोट पाने दे अपने हक्क दा इस्तेमाल करी सकन।

<><><><><><>

Vande-Matram

सरदार वल्लभ भाई पटेल हुं'दी 150मीं जयंती दे सरबंधै च जिला प्रशासन उधमपुर नै बक्ख-बक्ख डिग्री कालजें ते हायर सेकेंडरी स्कूलें दे एन.एस.एस सीगे कन्नै सुभाश स्टेडियम उधमपुर थमां मिनी स्टेडियम टाउन हाल उधमपुर तोड़ी पैदल मार्च कीता। एहू मार्च सरदार पटेल हुं'दे योगदान दे सरबंधै च कडुआ गेआ। इस दरान सरदार पटेल हुं'दे आसेआ मुख्य दी एकता ते अखंडता लेई दित्ते गेदे अनमुल्ले योगदान गी चेत्ता कीता गेआ ते सरदार पटेल होरें'गी श्रद्धांजलि भेंट कीती गई। इस मौके पर पत्रकारें कन्नै गल्ल करदे होई उधमपुर दियां डिप्टी कमिशनर सलोनी राय होरें आखेआ

<><><><><><>

Farmers-Exposure-Visit

बागवानी मैहकमे आसेआ अज्ज बागवानी मैहकमे दे विकास सरबन्धी मिशन M.I.D.H ते राईबाई टेकनालजी प्रबंधन एजेंसी A.T.M.A तैह्त्त करसानें लेई सिखलाई ते ज्ञान बदाने लेई इक दौरे दा आयोजन कीता गेआ। एहदा मकसद मुकामी करसानें गी अज्जै कल्लै दिएं आधुनिक तकनीकें ते तौर-तरीकें बारै जानकार बनाना हा। इस दरान करसानें गी बक्ख-बक्ख बागानें ते शोध केंद्रें च लेता गेआ ते उनेंगी राई-बाइ, दी उन्नत तकनीकें बारै अवगत करोआया गेआ। इस बारै मीडिया कर्मिण कन्नै गल्ल करदे होई मैहकमे दे इक अधिकारी नै आखेआ

<><><><><><>

Drug-Control Ramban

रामबन दा दोआइण सरबन्धी मैहकमा लोकें दी सुरक्षा दे मद्देनजर जिले च दोआइण दी होने आहली बिक्री पर नेइमी तक्क रक्खा रदा ऐ। अधिकारिण दस्सेआ ऐ जे बिक्री, खरीद या फही दोआइण पर बिजन इजाजत दे लैने लेई जाने या बिक्री करने आहलें खिलाफ कार्रवाई कीती जाहगा। एहू दोआइण मानसिक बमारिण बारै न। इनें दोआइण दी गैर कनूनी बिक्री कन्नै सार्वजनिक सेहत सरबन्धी मामले जियां नशा या जरूरत थमां मती डोज सेहत लेई हानिकारक होई सकदा ऐ। मैहकमे नै आम लोकें गी अपील कीती ऐ जे ओहू गैर कनूनी तौर पर होने आहली ऐसी बिक्री बारै सरबन्धी अधिकारिण गी जानकारी देन। आकाशवाणी समाचार कन्नै गल्ल करदे होई रामबन दे असिस्टेंट कंट्रोलर ड्रग संजीव कुमार होरें आखेआ

<><><><><><>